

# 北京大學日刊

第三百零六號

編輯部  
經理部  
報資及  
告白費

北京後門國立北京大學內  
電話東局一千零七十二號

每份銅元二枚每月自取三角派送三角五分外省四角五分郵票不收廣告刊四號字七日以內每字八厘一月以內五厘長期面訂五十字起算封面中縫加倍

## 國際聯盟同志會成立

### 會廣告

本會定於本月十二日午後二時在北京大學法科大講堂開成立會屆期敬請北京大學教職員諸君及學生諸君到會

為「國際聯盟同志會」徵求會員

本校同人公鑒「國際聯盟同志會」為汪大燮熊希齡張謇王寵惠蔡元培林長民六君所發起業於二月五日在石駙馬大街熊宅開發起人籌備會傳觀宣言書及會章草案是日到會者二十七人本校職員蔡元培王寵惠胡適陶履恭宋春舫梁敬錚諸君皆與焉皆加入發起人中公推梁啟超汪大燮蔡元培王寵惠李盛鐸五君為臨時理事推林長民君為總務又於

九日在南長街本會事務所開第二次籌備會又增推嚴修張謇熊希齡三君為理事並定於十二日午後二時在法科大講堂開成立會此會純粹研究性質本校教職員諸君及學生諸君均可入會願入會者可於本日到校長辦公室簽名或於大會時臨時簽名均可 臨時由發起人介紹(宣言書及簡章附列於後)

北京大學啟

### 國際聯盟同志會緣起

今茲世界大戰經四年餘之爭犧牲生命過於千萬廢費財產不可勝數誠為人類之浩劫雖非親歷者亦無不思之黯然顧往事已矣全世界之人心大之憂念人類之前途小之顧慮一己之子孫殆莫不渴望和平建設告成而戰事自茲永免誠以人類之科學知識組織能力日進未已他年復見戰事者其牽涉之廣殺之慘必倍蓰於茲役也然欲和平之永久也當先求各國之推誠相與平等相待而後戰機乃不再發往者列強藉合縱連橫之形

勢以維持武裝之和平而從事於國際政策之競爭世界大局有如厝火於積薪之下燎原之災嗟嗟可成苟今茲媾和不能以世界公共之組織代替危險之均勢則國際政治仍將不外乎以強凌弱以暴易暴戰禍再燃必難倖免各國識者有鑑於斯故羣以國際聯盟為今之亟務和平大會且立為提前討論之議案其深憂遠慮凡屬人類宜無不贊同矣然所謂國際聯盟者其內容當何若猶未能舉世一致也試舉一二例言之國際聯盟自當有法庭以裁判國際之法律問題有調處機關以解決國際之政治爭端而是否尚應有所謂國家之名譽及生命問題不受國際之裁判判詞決議設有抗違應強制執行至何程度皆疑問也又如組織聯盟之委員會人數各國一律則大如英者將與小如海地者勢力均等若強國得遣派多數而弱小者遣派少數則又何以保其不以強權分宰天下不流為中世紀歐洲之神

同盟是以國際聯盟組織之初必當周諷世界民意而採集衆長庶不為空想而亦又不偏於專制也國際聯盟既成亦非可任其自然也當有全世界之輿論監督之使其不有所偏援助之使其不失之弱更當有以增進國際之友誼鼓勵聯盟之發展庶乎永久和平之可躋也是以歐美人民今方組織團體熱心鼓吹以盡輿論之責如美國有強制和平聯盟會 League to Enforce Peace 以前總統塔虎脫為會長又有自由國家聯盟會 League of Free Nation Society 與威爾遜總統採同一之政策英國有國際聯盟社 League of Nations Society 及國際聯盟協會 League of Nations Association 去年冬合併為國際聯盟聯合會 League of Nations Union 更有全國各派耶教徒代表之大會由天主教召集之以援助同盟並與英國各屬土及他國同志協力進行法國有國際聯盟會 Ligue P



our Une Societe des Nations 其會長

布爾瓦 M. Leon Bourgeois 即為和會

討論聯盟之法國專門委員意大利北部

之密蘭 Milan 於去冬發起大會贊助聯

盟設立國民大會以與他國同志提攜又

如歐洲弱小民族之寓於英法意者贊助

亦皆其力世界之意之所趨概可知已中

國之政治思想夙以大同為至善大同者

天下一家即國際聯盟圓滿之境也中國

民族好和平惡戰爭蓋演濡於數千年聖

哲教訓之所致尤與國際聯盟之精神相

符也故吾人之歡迎聯盟決不讓於他國

願僅歡迎之未為足也國際聯盟所以互

保政治之獨立領土之完全質言之即所

以保國家之權利也中國與上古之希臘

羅馬巴比崙埃及並時立國迄今四千餘

年以世界最古之國家得與近世新國家

共築新世紀之基礎其國家之權利孰能

蔑視之國際聯盟又所以謀人類之和平

幸福也中國民族之人口過於世界人口

五分之一其安危之關係於人類者至大

以人口最廣之國家能與世界各族共謀

人類之幸福其國家之民族又孰敢輕侮

之故吾人對於世界對於各國皆有擁護

國際聯盟之重大責任當仁不讓此之謂

也爰是集合同志設立斯會將對於國際

聯盟為積極之主張並與他國同志互通

聲氣彼此提攜以期達我大同之理想全

國人士有奮起者本會同人願執鞭焉

▲國際聯盟同志會章程

第一條 本會定名為國際聯盟同志會

第二條 本會以主張國際聯盟及援助

其實行促進其發展為宗旨

第三條 本會事務為左列三項

(一) 研究國際聯盟各種問題及其他

問題與國際聯盟有關係者

(二) 講演或刊布中外文字以鼓吹國

際聯盟之主張

(三) 與他國同類之團體互通聲氣提

攜進行

第四條 凡中華民國人民經會員之介

紹得職員會通過者即為會員

第五條 凡他國人士贊助本會者皆得

由職員會推舉為本會名譽會

第六條 本會不設分會凡各地方會員

對於國際聯盟之意見可送交

本會職員會審定發表之

第七條 會費得由會員隨意捐納

第八條 本會設職員如左

理事長一人綜理會務代表本會

理事十人協理會務

總務幹事一人執行本會事務

文書部幹事十人掌理中外文牘事務

編輯部幹事十人掌理編輯撰譯中外

文件及保管書籍事務

會計部幹事二人掌理收支保管款項

事務

庶務部幹事五人掌理印刷購置及其

他一切庶務

第九條 各部幹事中設主任一人綜理

各本部事務

第十條 本會理事長理事於本會成立

時推舉之其他職員由理事長

指定之

第十一條 理事長有事故因不能執行

職務時由理事中公推一人

代理之

第十二條 本會得招用雇員承職員之

命辦理一切事務

第十三條 本會隨時得開大會由理事

長召集之

第十四條 本會職員隨時開職員會執

行一切會務

第十五條 本會設事務所於北京

北京大學全體學生誌

謝

日前因事通電國內外承本校教員邵驥  
先生捐助票洋二十元除專函致感外特  
此登報以達謝忱

● 日刊啟事

明日本校放假本日刊暫  
行停刊一日此啟

部 令

● 教育部訓令第三九號

令北京大學學

查上年全國中學校校長會議決議請令  
各專門學校及大學校變通招考新生辦  
法並宣布招生程度一案經該會呈請核  
辦前來查該會所稱各節尚屬實情所議  
辦法亦尚妥協嗣後各專門學校及大學  
預科招生命題應須依照中學畢業程度  
勿使太過不及致於學校銜接有所妨碍

● 日刊啟事

● 國史徵集股啟事



至各中學校尤須鄭重招生認真授課俾畢業時適合相當程度似此雙方並進庶可交相獲益除將原案鈔附外仰即遵照辦理此令

附鈔原案一件

請令各高等專門學校及大學校變通招考新生辦法並宣布招生程度以資預備而宏造就案 陸規亮提議

中學校為人才教育之始基應與專門學校且相銜接此有識所同認顧按諸近日情形往往分成兩截而中學畢業生遂以升學人少為世詬病此其故由於中學校之程度參差者半由於專門各校之招生辦法不一者亦半試就各高等專門學校及大學校之招考新生辦法再四審度覺有難於並學者數端查部定中學課程並無各種科學必用外國語教授之規定故各中學校中大都採用教育審定之教科書為課本乃至升學之際各科試驗多以外國語命題似與中學課程不無扞格其難一也升學試驗既用外國語命題自不能不用外國語課本於是有數學理化博物等科須以外國文應試者矣有考試用器畫須知外國文解者矣此種辦法似

於各科試驗之中仍寓外國文試驗之性質其難二也各中學為升學預備起見間有用西文原本教授科學以應他日之需求者于是學生於學習科學中增加一重障礙多費一分腦力其難三也各高等專門招考新生時往往提高程度以便受學時可以跋及立意未嘗不善惟各地中學情形不同各高等專門招考究竟提高至若何程度多未預先宣布致學生無從準備其難四也綜觀以上諸端若長此不變竊恐中學畢業生日多升學之途日隘而辦理中學者欲求中學教育之進步亦難惟有請鈞部令行各高等專門及大學校將招考新生辦法酌量變通庶升學者得減少困苦辦學者亦有所準繩矣

辦法(一)各高等專門及大學校招考新生除外國語外其他各種科學應以本國文命題

(二)生徒答案應用本國文其能以外國文作答者聽

(三)請部通令各高等專門學校及大學校預將招生程度詳細昭示其一年級生或預科生所讀何書以若何程度為課程之開

治是為至盼

始函達各省教育廳于每年寒假中通知各校俾早預備以便銜接

本校布告

世界語班開課期改於本星期五(即二月十四日)下午七時至九時此告

文科布告

本科教授宋春航先生刻因急事返滬請假一星期請假期內所授十九世紀新文學請卜思先生代講法文談話請賀之才先生代講意文暫發講義法文戲曲暫行停授此布 二月十日

理科教務處啟事

教員諸公均鑒本月十二

日(星期三)為宣布共和

紀念日本校放假一天是

日有功課者請勿蒞校授

課此啟

二月十日

法科教務處告白

本科法律門四年級星期五(十至十二時)行政法改在星期二(十至十二時)星期日(十至十二時)國際私法改在星期六(十至十一時)政治門四年級星期四(八至十時)林業政策改在星期五(十至十二時)法律門二

級星期一(八至十時)民法債權改在星期六(十至十二時)法律門二年級星期六(十至十二時)德日刑法改在星期一(八至十時)法律門一年級星期二(十至十二時)法理學改在星期六(十至十二時)本科第二種外國語星期三(四至五時)二年級德文改在星期四(五至六時)預科三年級法文班星期三(十至十一時)法文班學改在星期六(九至十時)二年級德文班星期五(十至十一時)經濟通論改在星期三(四至五時)一年級德文班星期六(一至二時)合班論理學改在星期三(八至九時)一年級德文班星期六(二至三時)萬國地理改在



星期二日(八至九時)星期二日(二至四時)德文讀本(二時)改在星期四十一十二時至五時星期四(十至十二時)德文文法改在星期六日(九至十時)一年級法文班星期三(八至九時)法文文學改在(十至十一時)以上所改功課均由本星期起實行

二月十日

### 月刊編輯處啟事

第三期月刊付印之期迫近本校職教員學生諸君如有稿件務希速送法科研究所馬寅初先生收

馬寅初致各門研究所主任函

敬啟者月刊第三期稿件係由弟編輯貴科文稿乞

催請早日交下如或交稿不多並希撥冗撰著嘉惠讀者無任盼禱專此敬候  
署安

### 國史編纂處纂輯股通告

告

本處纂輯員諸君公鑒因文科學長教務太煩無暇再及本股事務現已由校長商承教育部聘特別纂輯員屠敬山先生兼任本股主任特於十三日午後四時在本處開會歡迎並請屠先生發表意見屆期務請蒞會

### 新聞研究會開大會啟事

本會原定本月十二日開改組大會茲因該日為紀念日放假特改於十四日(本星期五)晚七時在理科第十六教室開會屆時務請會員諸君駕臨此啟

### 音樂研究會通告

(一)本會於一月十九日改選職員當選幹事鋼琴組為李吳禎崑曲組為程龍驤古琴組為秦元澄提琴組為章鐵民琵琶組因會員未到不及選舉

又選中西文牘二人西文牘為陳曾植中文牘為來煥文近因會務日繁每日皆有教課導師會員均宜招待接洽故將每人值日日期派定以分職務

星期	一	二	三	四	五
來煥文					
秦元澄					
章鐵民					
李吳禎					

再每人值日時刻均在下午四時至六時

(二)本會程序表如下

科目	導師	星期	時間(下午)	在	所
樂典	陳仲子	二	五之六	理科第十五教室	
和聲	陳仲子	六	五之六	理科第十五教室	
鋼琴	包玉英	二	四之五	鋼琴室	
提琴	紐倫	一	三之四	紐倫休息室	
古琴	王心葵	一	七之八	理科第四教室	
琵琶	王心葵	一	八之九	理科第四教室	
崑曲	吳羅安 趙子敬 陳萬里	一 二 三 四 五 六	四之六	理科第五教室	

本表係照舊例規定以後得由本組多數決議更改之



# 北京大學日刊附張

## 本校紀事

### 學餘俱樂部開會盛況

本校學餘俱樂部於本月九時午後假地學會開第二次籌備大會到者百餘人校內各國體之重要分子均與焉首由主席請到會者担任募集會員之事經大衆欣然認可並公決以本月二十八日爲第一次募集截止並由募集員報告之期此次募集既得校內重要分子熱心担任羣信結果必佳可望募得一千基本會員並爲該部之前途抱無限之樂觀也

茲將開會之詳情登布於後

是日正部長蔡君元培因事未到由副部

長葉君浩吾主席提出四項請大家發表意見。

(一)募集會員請當日到會諸君分任

(二)討論設備事宜及費用

(三)規定會證或徽章

(四)增推幹事

募集會員事經主席提出後到會者均慨允擔任徐君伯軒提議應定徵集截止與報告之時期狄君福鼎主張每月報告一次鄧君文如言一月太久宜以二月底爲限主席遂以爲二月底爲第一次募集截止之期付表決衆贊成

設備事宜衆意由庶務幹事先編一計畫書再行籌辦胡君千之主張速募集基金

黃君季剛贊成且以爲宜由教職員捐助會證及徽章鄧君文如主張指定訂製商店由各會員自行前往購買狄君福鼎書

倉二君以爲徽章每枚不過值銀二角宜由會發給黃君季剛主張不要徽章聞此事尙無定議

至於增推幹事一層大衆以爲俟開成立

大會時再議

討論之間黃君季剛主張每月舉行游藝一次以引起人之興味而謀會務之發達後用茶點而散

## 本校瑣聞

### 廣西省長允查照任用

本校前將文理法工四科本屆畢業各生造冊咨請各該省長查照備案量才酌用現廣西省長公署來函略謂肅勤成亨襄翰二生業已任用惟顧德啟尙未回籍云云

### 楊君昌請更年齡已准

陳籍學生楊君昌請更年齡一節本校現得該省教育廳來函證明業予照准並爲轉呈部備案矣

### 傅承濬請更年齡未准

浙籍學生傅承濬請更年齡一節本校現接得該省紹興縣知事來函略謂該生投攷中學時係託友人報名致將年齡十八誤填十四自畢業及入本校仍照文憑填寫迄來更正故特備函證明更正云云並未指實該生年齡實數本校現以該知事既未證明該生現在確實年歲碍難轉部核辦

### 許時行等請補學費已准

豫籍學生許時行趙德俊請轉催給津貼一節本校現得該省長公署來函略謂准上蔡縣知事所呈謂該縣教育經費不足恐難爲繼特規定自民國八年起每名年給補助費洋六十元以二名爲限多則不能援例茲特令勸學所將許趙二生本年津貼照數籌發云云

### 陳登淮等公費已准

本校現接湘省長公署來函謂本校學生陳登淮楊亦曾鍾鍾曾秉衡彭仲鏗楊文冕等六名成績既均在八十分以上操行又入甲等自應准予補給公費云云

### 湯啟鏞等請休學已准

據法預科二年級學生湯啟鏞因赴法函請休學一年級學生鄧維華張治安因病請休學本校均已照准惟湯生所請發給預科卒業證書一事本校以向無此種辦法未予照准如需成績證明書本校可以照發

## 詞謠選

文科教授劉復編訂

(七六)

武昌李時君來稿

我眉豆生長莖花有紅白葉是青有朝一日狂風起沒見花葉只見莖

此章通行於湖北黃陂

復案此爲寓言體歌謠有古樂府遺意足以爲古代文學思想流存今日社會之証至其命意則陳舊不足貴



九、立規約以律躬行。

十、稍求博物學之知識。

十一、就所習各科著論。

托爾斯泰未出大學，即已棄其宗教之信條與習慣。

幼年所受宗教之信條，已自消滅……自十五歲漸讀哲學家言，不久即覺幼年宗教之信條，已在吾所排斥之列。十六歲即不願赴會堂，不願齋戒。然吾雖不信幼時之所信，亦非絕無所信。吾所信為何，吾當時不能以言語表之。吾所信乃一真神。易言之，吾實不否認上帝。然為何種之上帝，吾當時亦不能以言語表之。吾亦不否認基督及基督之教訓。然基督之教訓果如何，吾當時亦不能以言語表之。

吾今回首前塵，始知吾當時所信，吾當時唯一真正之信，吾當時獸性以外所以鼓我之生機者，非他，即以爲人人應當自完其一己是也。然所謂自完，其道何在，

### 托爾斯泰傳

張邦銘 鄭陽和 同譯

十七

不許轉載  
北京大學日刊

其目的如何，吾當時亦不能以言語表之。吾竭力自完吾之心思，凡吾所得研究者，及日常所遇有研究之價值者，吾悉研究之。吾竭力自完吾之意志，自定規約而自守之。吾又自完吾之體力，練各種體操，期於強壯活潑，尋各種勞苦，以習忍耐堅定。凡此吾皆認爲吾之自完。其初固屬德性中之自完，繼而變爲一般之自完。事事求其盡善，不特需得自己之許可，上帝之許可，並需得他人之許可。未幾又變而爲自謀優越於人，名譽欲其著，地位欲其尊，家業欲其富。

(懺悔二)

托爾斯泰脫大學籍後三年，極其放蕩。惟馬德 Aymer Maude 謂此三年爲虛擲。則未可信。此三年乃托爾斯泰學習試驗之時代，後來佳果，由此而生。昔聖奧古斯丁 St. Augustine 未爲聖徒，先爲罪人，托爾斯泰正與之相類。彼其後所以能成獨一無二之情慾解剖家者，亦由其自身先墮於情慾中，凡所描摹之人物，皆曾親自爲之，且經過一番之蟬蛻耳。

二字疑本此。

今人知病在膏肓。出左傳矣。輔行記八之二云。張華治李子玉病。病鬼在膏肓。不肯治之。華乃走避。預自乘白馬逐之。華乃下道隱。聞草中有鬼而相問言。弟何不隱去。答我住其膏肓。鍼灸不至。何須隱去。但懼其用八毒丸耳。須臾。子預至。華便以八毒瀉之。其鬼叫喚而走。出本草郭注。此事可入同書。然從左傳增會也。

余友同縣馮克澂尊人小琴丈嘗於市上買得趙松雪大德三年所書墨蹟凡七絕若干首。循其詞義。中有缺葉。字大方寸。每葉三行。行約六七字。末葉有諸家題記。今僅記有董香光跋稱爲書家上乘。嗣售於京買爲卒歲資。僅得白金二十餅耳。松雪以前代王孫。忝顏臣虜。雖書畫絕藝。而自來題跋家往往致其諷諫。如陶南村云。水晶宮裏清幽地。不信無人著釣舟。張伯雨云。悵望王孫杳何許。年年芳草滿江南。又近日國香零落盡。王孫芳草遍天涯。虞道園云。直是故園花石外。銅盤和露寫東風。又史明古題趙子昂畫蘭云。誰道有人和露寫。託根無地怨東風。又歸田詩話載僧某題趙子昂書

### 讀書小記

八十五

不許轉載  
北京大學日刊

歸去來辭云。典午山河半已墟。寒雲宵逝望歸廬。翰林學士宋公子。好事多應夢裏書。南濠詩話云。元末虞堪勝伯題趙子昂苔溪圖吳縣公子玉堂仙。寫出苔溪似輞川。回首青山紅樹下。那無十畝種瓜田。（註）趙子昂詩作兩首。青山多少地。豈無十畝種瓜田。明詩綜作王孫今代玉堂仙。自若溪山輞川如此。青山如畫。可無十畝種瓜田。沈啟南題趙子昂畫馬云。隅日晶熒耳竹坡。江南流落乘黃姿。千金千里無人識。笑看胡兒買去騎。周良右題子昂竹枝云。中原日暮龍旂遠。南國春深水殿寒。留得一枝烟雨裏。又隨人去報平安。麓堂詩話云。有題子昂畫者云。前代王孫今閣老。只畫天閑八尺龍。又有云。江心正好看明月。却拘瑟過別船。徐氏筆精載楊文貞士奇題趙子昂畫馬云。天閑第一渥洼姿。卓犖騰驤肯受羈。何不翻然絕羣羣。踏雲追電看神奇。黃方伯澤云。黑髮王孫舊宋人。汴京回首已成塵。傷心忍見胡兒馬。何事臨池工寫真。李文正東陽云。宋家龍種墮燕山。猶在秋風十二閑。千載畫圖非舊價。任他品評落人間。又無名氏云。塞馬肥時苜蓿枯。奚官早已著貂狐。可憐松雪當年筆。不識檀溪寫的驢。釋古題山水云。雪後潮痕上釣磯。江南天水一綫微。蒹葭芳草迷禾黍。何事王孫尚不